

بزم الفتده جلیس بر ادیبك اِك اول
دقت ایدہ جکی شی — حضارہ کورہ —
اوتورہ جنی موقعی کوز اوجیلہ کسیدرمکدر.
جناب فخر رسل (صلع) «علما ایلہ امرا شرف
وتقدم موقع ومنزلہ احقدر» بیوردینی کبی
حضرت جعفر صادق دخی «برینک اوینہ
کیردیکک زمان ہر درلو اکرام واحترامی قبول
ایت لکن سنی اِک باشہ اوتورتمق تکلیفی
رد ایلہ ہیج بروقت صدرنشین اولمغہ یلتنہ»
بیورہ نشدر.

کشینک اوطورہ جنی محلی بیلسی سزای
دقت بر فراست وکیاستدر.

«۱» سکا متوجہ اولمایان کسمیہ توجیہ
خطابہ اسراف کلام ایتہ.

«۲» مصاحبک سوزینی دقتلہ دیکلہ؛ زیرا
متکلمک نشاطی مستمک دقت استماع واصغاسی
نسبتنددر. بوکا مبنیدرکہ برکلام آلفشلا-
نیرسہ متکلمک شوق وانبساطی، سوزینک
رونق وانسجامی آرتار.

«۳» مجاسہ مناسب اولمایان مناسبتسر
سوزلردن توقی الزمدر. زیرا ہر مقام ایچون
مقال وارددر. اقوالک خیرلیسی موافق حال
اولاندر.

«۴» متکلم دائما مستمک عقلنہ کورہ
سوز سویلہ ملیدر (کلو الناس علی قدر عقولہم)
بناءً علیہ بر رنجبر اجلہ طبقات ارضک
وسورت تشککلندن؛ مسائل ہندسیہ دن بحث
قبولری آچق «دومہ خندق» اتلاتق قیلندن
اولور.

«۵» سویلنمکدہ اولان برسوزی تمہدن
مجرد اولجہ اشتش بولنمقدن ناشی، کسمک
نارواددر. زیرا بو تکرردہ، ایشتدیکندن
فضلہ معلومات اولہ بیلسی مختلدر.

برقاچ شی واردرکہ ہر کیم بولنردن
دولای مظهر تکدیر واهانت اولورسہ ہیج کسمیہ
کو جغہ ملیدر، کندی کندیسنہ طارالمالیدر.

ادیب سخندان معلم ناجی مرحومک وفاتندن دولای
شاعر شیرین زبان عزتلو فیضی افندی حضرتلری
طرفندن کشیدہ سلاک بیان اولنوب مقدمہ
رفقازدن برینک درج ایش اولدینی مرثیہ دلسوز
بوکرہ غزنہ مزہ اهدا بیورلش اولمغہ بروجہ
یادکار مجدداً درجیلہ ترین ستون اولنور.

مرثیہ

ای جهان ادبہ، نورنشارم ناجی
کلك اعجاز ایلہ، الہام نکارم ناجی
ای ایدن عزم تماشای جهان ملکوت
ای حقیقت ایلنہ، رام سپارم [۱] ناجی
ای مداد قلمی، رشک دماء شہدا
ای فضائلہ، کلمات شعارم ناجی
رحلتک داغ درون اولدی جهان ہنزہ
عمرم اولدقہ دخی، بندہ ینارم ناجی
دلفریبانہ مقالات و بیاناتکی بن
دائما ذکر ایلہ، اوقانکدارم ناجی
ہلہ اول طاتلی تبسملر، اوشیرین حرکات
یادہ کلدجہ، کیدر صبر وقرارم ناجی
طالمہ خواب اجلہ، ایرہشیکن فصل بہار
اویان ای ہمقدم کشت وکذارم ناجی
ہرکسہ چہرہ فروز اولدی، ریاحین بہار
طپراق آتندہ بنم قالدی بہارم ناجی
طولی دیزکن کیدیلورمی عقبات اجلہ؟
بویلہ تک باشنہ، ای شاہسوارم ناجی
برزمان زمزمہ خاطرہ، اشعارک ایدی
اولمش الیوم بتون نالہ زارم، ناجی
سنی تشیعہ کلان روحی، بر لحظہ چویر
نیچہ جانسنر یشاسون جسم نزارم، ناجی
طوتہ لم عمر رجوع ایتدی، ایدرمی رجعت؟
هیج، حضورکدہ کچن لیل و نہارم ناجی

سیوریلوب یرلرہ کچدی ایغم حیرتدن
صانکہ بو حادثہ دن، سنک مزارم، ناجی
ایتمدی وسعت افکارینی خاک استیعاب
کردیہ صیفدی افلاک مدارم، ناجی
پیشوازہ [۱] چیقک ای خلوتیان لاهوت
سنزہ مہمان کایور، اہل مکارم ناجی
ہمدم ہمقدم ہمسخن ہمدردم
یکدل و یکجہتم، یاورویارم ناجی

{ نامہنکام سفرلہ، بنی دلخون ایتدک }
{ قرداشم، عالم ارواحہ پک ارکن کیتدک }

ایتدیکک دم، سفر آخرتہ وضع قدم
ساکنان ملکوت، اولدی اگرچہ خرّم
فقط احوال جہاندن خبرک یوق ناجی
اوردی احوال، اودم احوال قیامتدن دم
ایتدی برکرد الم، ہر طرفی استیلا
اولدی ہر شخصہ، برر کونہ تأثر ہمدم
بوریدی شہری بتون، ولولہ شور و فغان
دوندی ماتمکدہیہ، اشبو سواد اعظم
یارشہ چیقدی جنازہ کونی، قبرستاندہ
ابر نیسانلہ کوزلردن آقان بارش غم
سینہ سوز عرفا اولدی، بو محرق وقعہ
جانکداز فضلا اولدی، بوسوزشلی الم
دوندی بیت الجزنہ بزم سرور شعرا
قامت شعر دخی، کیدی لباس ماتم
کورہدی علم وادب، بویلہ خسارات عظیم
ایرہدی اہل دلہ، شمدیہدک بویلہ ستم
مادر دہر، عقیم اولدی، طوغورمز غیری
بر دہا سن کی برشاعر فرخندہ شیم
قنہی شاعرہ بولغشدر ای استاد سخن
سندہ کی حلم و حیا، سندہ اولان فضل و کرم

مزد حمكاه ملائك ايدر ، الت قبرك
نوردن مرقدیكه ركز اولسان سبز علم
بولدی كوهر اسرارینی تودیعہ محل
ینہ مکتوم دونوب کیتدی او کتزا میهم
هله حوران معانی ، اوشوشوردی باشنه
النی اویمك ایچون ، دستنه آلدقه قلم
مشر بمجه ، الم فرقتکی شرح ایدم
چونكه ذهمن طاغنی ، خامده بدن سرسم

{ بحضور ایتدی بنی فاجعه رب منون }
{ دویم ی دها کوز یاشمی محزون محزون }

حمد لله ، کال کرم ساطانی
قیلدی هر وجهه مسعود ، بوعالیستانی
حی ایکن کندوسنه ایتدیکی اشفاقاتی
قیلدی حقنه ، وفاتنه دخی ارزانی
احتفالات عظیمه او زیبا کهرک
ایلدی محفظه سین مقبره خاقانی
صلوا و ادبا ، جمله سی تابوت بدوش
خانقه شیخلری ، صومعه درویشانی
مردوزن ، پیرو جوان ، بای وکدا ، خوردو کبار
مهربان دوستلری ، اهل وفا یارانی
محترم نعمتی تشبیعه کلوب جم غفیر
ذکر و تهلیل ایله ، صارصلدی فلک ایوانی
دسته کل کبی ، تابوتی کیدوب الدن اله
اولدی مودوع ید مغفرت سبحانی
امرای سلفک ، کوردیکی یوق شمعی بهدک
صوک نفسده ، بو کبارانه شکوه و شانی
ساحه قبری اوله کلشن فردوس برین
کوشه لحدی دخی منظره رحمانی
روحنه مونس اوله روح عزیز شهدا
ذاتنه همدم اوله مرحمت ربانی
صدف خاکده یاندیجه بودر شاداب
کامران ایلیه حق ، پادشه دورانی

که انک ذات هایونیدر اهل فضله
بهترین واسطه عاطفت یزدانی
لطفی احیا دکل ، اهواته دخی شاملدر
اوله جان شعرا ، بویله شهک قربانی
نظر اقدسیدر حای ارباب کمال
اهل فضل و هنرک ، بویله کرک سلطانی
(فیضیا) روحه کدر بخش اولور اطناب کلام
حد ذاتنه کلام ، اولسه دخی روحانی
مرثیه لازم ایسه خیر دعا الزمدر
سویله یارب ، بو مرحوم ملائک شانی

{ قیل سرارده ایوان تقریده مقیم }
{ ایله سیر انکهنی روضه جنات نیم }

غدا ی طبیعی

(ماقدونالد) نام برداتک پاریسه کیدوب
اوراده اصول تغدیجه یکی برمسلك آجیدنی
وبش ، آتی یوز کشینک مومی الیهک فکری
تصویب ایدرهک ترویجیه غیرت ایتکده
اولدقلری بررسالهده یازیلور .

موسیو (ماق دونالد) ، اصول طبیعییه
اتباعاً تغدی فکری اورتیه قویوب شمعییه
قدر اتخاذ ایتش اولدقلری عادت تمیش
حکمنجه یکدیگرینه مخالفتده بولنان (اتینلر)
فرقه سیله (اوت ینلر) فرقه سی یننده بر
طریق اتلاف آچق ایسته یور . مومی ایله ،
انسانک قوانین طبیعییه امتثالاً تغدی
ایتمه سی لازم کلدیکنی و جاهل آشجیلره
کوتاه نظر طبیلرک توصیه ایتدکاری طریق
تغدینسک صحت مضر اولدینی جهته قطعاً
ترک ایدلمه سنی تکلیف ایدیور .

(ماق دونالد) دیورکده : « نبات اکلی
الزام ایدنلرده حقایدر . اکمک ینلی ، و ممکن
مرتبه چوقده ینلی . بدن انسانی به عارض
اولان مضرتلر هپ انسانلرک مأکولاتی طبع

ایتدکارندن ایلری کایور . اکمکیلره آشجیلری
صاومالی . مأکولاتی حال طبیعیسنده ینلی .
(ماق دونالد) ایله طرفدارلری پیشیرلمش
اکمک یمه دکاری کبی ، چای ، قهوه و دیگر بو
نوعدن صیجاق مشروباتده ایچمه یورلر ایش!
یالکز تازه و قورو میوه لر ایله یولاف
یرلر ایش ، یولاف اوتی آووجلرینه
طولدیروب آغزلیرنه آتارلر و آتی خیر
هیئته افراغ ایدنجیه قدر چیکرلر ایش!
کویا بونوع مأکولات هم اکتساب قوته
کافی ، هم دهک لذیذ (طاسزدینسه دهه مناسب
دوشمر ایدی!) بولورلر ایش .

مومی ایله (ماق دونالد)ک (وده تارین)
نام رساله ایله نشر ایتدیردیک متعده مقاله لرده ،
انسانلرده اک زیاده انقطاع ذریت وضعف
بنیه یه بادی اولان ، قالین اثوابلر ایله وجودلری
پک صیجاق طوتملری ، مطبوخ یمکار یمیلری
واولرده اسکان واقامت ایتملری اولدینی
بیان ایدیور .

از انجمله دینیلورکده : « اگر آباواجدادیمز
قوشلرک اعتیاد ایتش اولدقلری اصول
حیاتی اختیار ایدرهک میوه ودانه قناعت ،
چبلاق کره رک یالکز کوناشدن اکتساب
حرارت ایتش اولسه ایدیلر ، شمعی بزلر خسته لق ،
مشقت و سفالت کبی شدانده مبتلا اولمازدق ،
احراز ایده جکمز مرتبه تمدن ده هر حاله
شمیدیکنه فائق و شان انسانلرزه دها لایق
بر حاله کتیر یله بیلیر ایدی ! »

« اوله ایسه ، انسانلر ایچون وسیله
سلامت آشجیلری صاودرق تغدی خصوص
صنده قواعد طبیعیته امتثال ورعایتدر . »

معلومات

حقیقت ! آشجی الندن اوصافمش اولنلر
ایچون بوندن دها کوزل بروسیله استراحت ،
برواسطه سلامت تصور اولنه ماز .